



TINGLAB IDROK ETISH KOMPETENSIYASINI RIVOJLANTIRISHNING  
INNOVATSION YONDASHUVLARI"

**Murodova Munisa Norqulovna**

*Student, SamSIFL*

**Annotatsiya:** *Mazkur maqolada tinglab tushunish qobiliyatini rivojlantirishga qaratilgan yangi metodlar tahlil qilinadi. Zamonaviy ta'lim tizimida audial qabul qilish kompetensiyasini shakllantirish va mustahkamlash muhim ahamiyat kasb etadi, chunki bu chet tillarini o'rganishda juda muhim. Bunda tinglab tushunish mahoratini takomillashtirish uchun turli xil audiovizual texnologiyalar, multimedia vositalari va tinglash orqali idrok etish jarayoniga ta'sir etuvchi omillar tahlil qilinib, foydali tavsiyalar beriladi. Ushbu metodlar til o'rganuvchilar, talabalar va pedagoglar uchun foydali hisoblanadi.*

**Kalit so'zlar:** *tinglab tushunish, faol tinglash, axborotni idrok etish, diqqatni jamlash, tinglash strategiyalari, audiodan ma'lumot olish, notanish so'zlarni tushunish, intonatsiya va kontekst, muhim fikrlarni ajratib olish, Intensive vs Extensive listening*

**Kirish:**

Bugungi kunda chet tillarini o'rganish davr talabiga aylanib boryapti. Chet tillarini o'rganish biz uchun yangi imkoniyatlar eshigini ochadi. Shu bois, biz ushbu maqolada til o'rganishda juda ham muhim hisoblangan "Tinglab tushunish" qobiliyatini oshirish borasida so'z yuritimiz. "Tinglab tushunish" bu 4 ta skilldan eng qiyini hisoblanadi. Bu bosqichdan yuqori ball olish uchun esa bur necha oylab, hattoki, yillab vaqt va aql-idrok talab etiladi. Bunda bardavomlik va turli xil usullardan foydalanish yuqori samara beradi. Keling, biz ushbu maqola orqali yuqorida aytilgan metodlar haqida so'z yuritimiz.

**Muhokama/Natijalar**

"Create an effective study schedule"- o'rganishni boshlashdan oldin aniq bir jadval tuzib olish muhim sanaladi. U izchillikni ta'minlaydi, mahsuldorlikni maksimal darajaga chiqaradi va individual o'rganish afzalliklariga moslashtiradi. Yaxshi tuzilgan o'qish rejalari faqat vaqtni samarali tashkil etishga emas, balki kutilmagan o'zgarishlar yoki muammolarga moslashish uchun moslashuvchanlikni ta'minlashga ham yordam beradi.

"Active Listening" - biror jumla yoki matnni shunchaki eshitish emas, balki uni tushunishga harakat qilish kerak. Tinglayotganda muhim so'z va iboralarga e'tibor qarating va ularni belgilab qo'yishga harakat qiling, chunki oxirida umumiy g'oyani tushunayotganingizda, bu so'zlar sizga yordam beradi.

"Daily Listening Practice"- tinglab tushunishni oshirishga yordam beradigan samarali yo'llarsan biri — bu "Daily practice", ya'ni kunlik shug'ullanish hisoblanadi. Davomiy ravishda podkastlar, audio kitoblar va intervyular eshitishga harakat qiling. Bu mashg'ulotlar uchun har kuni ma'lum bir vaqt ajrating. O'zingizni qiziqtirgan va siz uchun sevimli bo'lgan mavzularingiz kontent toping va tinglang.



## TANQIDIY NAZAR, TAHLILIIY TAFAKKUR VA INNOVATSION G'OYALAR



"Working Memory"- mashhur kognitiv psixolog Alan Baddleyning fikriga ko'ra, tinglash jarayoni ishchi xotira bilan bevosita bog'liq bo'lib, eshitilgan ma'lumotni vaqtinchalik saqlash va tahlil qilishni talab qiladi. [1]

"The difference between Hearing and Listening"- John Fieldning nazariyasiga ko'ra, tinglash shunchaki passiv eshitish emas, balki ma'lumotni qayta ishlash, tanib olish va tushunish jarayonidir. [2]

"Noticing"- Richard Schmidning "Noticing hypothesis" nazariyasiga ko'ra, til o'rganishda yangi grammatik strukturalar yoki so'zlarni o'zlashtirish uchun o'quvchi ularni ongli ravishda payqashi lozim. [3]

"Keep a Vocabulary Notebook"- biror-bir matnni tinglash jarayonida uchragan yangi so'zlarni yozib olish, ularning talaffuzini eslab qolish va sinonimlari bilan birga yod olish lug'at boyligini oshishiga yordam beradi va bu tushunish qobiliyatini sezilarli darajada oshiradi.

"Dictation"- matnni tinglab yozish jarayoni ham juda samarali. Biror audio materialni sekin eshiting va so'zma-so'z yozib boring. So'ng original matn bilan solishtirib, xatolarini toping va yana qaytadan to'g'ri variantdagisini eshiting. Bu usul talaffuz, grammatik tahlil va e'tiborni jamlash qobiliyatini rivojlantiradi.

"Intensive and Extensive Listening"- Intensive listening: Murakkab matnlarni qayta-qayta tinglash orqali til tuzilmalari va talaffuzini yaxshilaydi. Extensive listening: Uzun va tabiiy audio materiallarni tushunishga qaratilgan tinglash, bu esa umumiy til sezgirligini oshiradi.

"Intentional Listening"- maqsadli tinglashda muayyan bir ko'nikmani rivojlantirish uchun maxsus audiolar tanlash maqsadga muvofiq sanaladi. Masalan: talaffuzni yaxshilash uchun BBC News, ohangni tushunish uchun TED talks.

"Develop a Listening Habit"- barqarorlik muvaffaqiyat kaliti hisoblanadi. Har kuni tinglash uchun 30-40 daqiqa ajratsangiz, darajangiz yanada oshib boraveradi.

Yuqorida aytib o'tilgan metodlar o'quvchilarning o'rganishga bo'lgan qiziqishlarini yanada ortishiga yordam beradi. Tinglash jarayonida duch kelingan muammolarni bartaraf etishga xizmat qiladi. Har bir usul "Tinglab tushunish" ko'nikmasini oshirishda katta ahamiyatga ega. Birinchidan, yuqoridagi usullar o'quvchilarni matnlarni tez va aniq eshitishga hamda tushunishga o'rgatadi, bu esa ularning tez-tez eshitiladigan har xil aksentlar va gaplashish uslublariga moslashishni osonlashtiradi. O'quvchilar o'z ishchi xotiralarini rivojlantirish orqali tez gapirilgan so'z va gaplarni ham tushunishadi. Ikkinchidan, yuqoridagi metodlar orqali o'quvchilar matnni tinglashdan oldin mavzu bo'yicha taxminlar qilib, ularni tekshiradilar. Ushbu yondashuvlar yangi so'zlarni va iboralarni kontekstda tushunishga yordam beradi. Uchinchidan, ushbu metodlar leksik va grammatik bilimlarni mustahkamlaydi. Grammatik konstruksiyalarning real hayotda qanday ishlatilishini tushuntiradi va xabarning asosiy g'oyasini ajratib olish ko'nikmasini shakllantiradi. Shuningdek, bu metodlar nafaqat eshitish qobiliyatini, balki nutq malakasini yaxshilaydi. Tinglash orqali talaffuz va intonatsiyani yaxshilab, o'rganilgan iboralarni



## TANQIDIY NAZAR, TAHLILY TAFAKKUR VA INNOVATSION G'UYALAR



og'zaki nutqda ishlatishga o'rgatadi. Ular o'quvchilarga butun hayoti davomida qo'llay oladigan chuqur bilim va barqaror ko'nikmalarni shakllantirishga yordam beradi.

Xulosa qilib aytganda, tinglab tushunish ko'nikmalarini shakllantirishga yo'naltirilgan metodlar o'quvchilarning nafaqat til bilish darajasini oshirishga, balki ularning fikrlash qobiliyatini rivojlantirishga **Xulosa:**

xizmat qiladi. Ushbu yondashuvlar orqali o'quvchilar eshitilgan ma'lumotlarni tez va aniq anglash, uni tahlil qilish hamda kundalik hayotda qo'llash malakasini egallaydilar. Tadqiqotlar shuni ko'rsatadiki, samarali tinglash strategiyalarini ta'lim jarayoniga kiritish o'quvchilarning intellektual salohiyatini oshirish bilan birga, ularni muloqotga ochiq va faol o'rganuvchi shaxs sifatida shakllantirishga yordam beradi. Shu bois, ushbu metodlarning ta'lim tizimida keng qo'llanilishi muhim ahamiyat kasb etadi.

### FOYDALANILGAN ADABIYOTLAR:

1. Baddley, A. (2003) " Working Memory and Language:An overview". Journal of Communication Disorders, 36(3), 189-208
2. Field, J.(2008). Listening in the Language Classroom. Cambridge University Press.
3. Schmidt, R.(1990) " The Role of Consciousness in Second Language Learning". Applied Linguistics, 11(2), 129-58

